

蓬萊山西竈還丹歌卷上

斯五

漢檢校僕射金紫光祿大夫黃玄鍾謀

臣聞鶴鶴在木不逾一枝之巢優鼠飲河無過一腸之滿伏惟陛下名逾東戶調美南風在於兆民無不咸止何重萬乘之榮而輕不死之道臣伏以元封年奉詔蓬萊親求妙術經過海難涉歷幽陽不憚危亡而求至道先是皇恩遠賚以感微臣盡忠得過大仙躬賜靈藥極誠進上何謂陛下安聽佞臣信為詐賜臣自鉅臣俄列皇庭不勝悲望遊宮未遍少許十年恐慮從容自為水阻又承陛下令東方朔召西王母夜置承露盤即知陛下後悔之甚臣又聞事君盡忠在朋立義於君不忠則人臣共罰不義於朋則交友共棄臣於紫陽宮少微院西竈躬受還丹妙道託依方潛錄伏惟陛下須納忠臣諫必効此方莫比昔年却從俗佞其藥今在拾遺陳方景擣合右丞周真宜候火臣男志誠啓鑪并醮等必鍛鍊精微願懇誠志紫瓊髮蓬長為金骨陛下莫重含元大內為上極精華北闕西堂

殊非至廣太常九部不足為聲粉黛諸房全為醜質矧此蓬萊妙絕殊境得號仙山日殿月宮雲房金閣堂排金碧樓煥珊瑚鶴遠靈芝鸞飛瓊樹天男玉女沸鼎絃歌異鳥名禽朝來不歇水精簾外颺颺玄風碧玉戶中冷泠細雨瓊漿一飲少許千年大藥餐應期萬載等閑見桑田為海水見海水作桑田或即上朝天老或自適雲關時下入瀛洲散尋異寶囊中黃屋不足為尊補袞之流未足為貴陛下何不生親異境而苦總凡間目看冠葬石堂身埋后土使子孫空拜灑酒寒陵朝暮之間即當見矣縱百年天子不及一日仙人伏惟聖智審裁莫自求其變矣謹差南陽執藥童奉表以聞蓬萊山南陽紫微石長丞黃玄鍾頓首謹言

石藥黃牙歌一首是造黃牙五言草藥形狀名採時節應用生死一百七十二味草藥歌都合計一百六十八首
造黃牙第一
歌曰
鋪壬為疊疊如黃粉次重重牛百白黃三色
依東 鹹漿味共通一安丙丁上齊入赤炎中
右依歌並須重重以壬盡為度應夏至之節以冰石研之佳忌甲戌庚除定等日
露容草第二
俗為地錄書云石錄莖花赤性毒惡理求體脉生巖石出河南生甲乙死戌己甲寅葉圓春分後二十日採上治惡瘡應春分節
歌曰
此藥人間有河南出最珍拈來和黍點一夜應天真
霜容草第三
俗為天涯書為白微性與上同出荆南道生甲壬死戌癸引蔓三花應夏至節立春後採之

歌曰

遶樹攀崖上三花葉對峰拈來埋乙地律法
選入癸壬中

雙夫草第四

俗名芙蓉書為紫瓊性與上同治勞出安南
府生丙丁死甲己葉紫綠大小不定應小暑
節立夏後採用

歌曰

引蔓生天水地中 開花傍石間度宵丙丁俱
蛇女體須堅

石天第五

俗為綸草書為武草性淡毒生朔方塊形金
長色青生甲壬死丁卯治承又治腸風

歌曰

遍地開尖葉尋山展綠微用漿應夏至採須

鴻鴈歸

石玄第六

俗為茶葉書為錄支性溫堅赤色綠生戊己
死丁壬治腹癰應小暑節立秋後採用

歌曰

蔓黑開青葉選生野澤中從容安丙上唯能

巨壯功

萬年春第七

俗名水藍書為地鏡性冷生江南道如藍小
青老亦生戊丁死甲己治小兒疳應大寒節
春分後十日採用

歌曰

青色尖赤樣如藍亦在高山亦在潭先共選
丹為舍宅亦能性冷味能甘

千秋錦第八

俗呼地幕書為青為性溫出劔南生甲乙死
戊己葉大如手面皺治大風應大暑節立夏
後採用

歌曰

面緊開敷逸潤泉大時尖綠小時圓唯有劔

南生最好真人呼作單丹田

年年春第九

俗呼時芝書為有心性熱生嶺南道生戊壬
死丁己葉紫治白風應清明節立秋後採之

歌曰

葉紫枝青逸水頭春風到日自芳幽可憐紅

展仙人愛八般石藥總拘留

寒蟬葉第十

俗為美草書為溫草出巴蓬州形如蟬葉苗
青赤不定生戊丁萎甲戌治赤白帶下應雨
水節立秋後採之

歌曰

葉如蟬翼帶如繩常在潭邊映水澄恰到用
時合三五八銖金粉汁三升

千靈第十一

俗為水高書為白草支性冷出蕃中形如蒿
數葉色青生丙戌死甲壬治惡瘡及酒癰應
驚蟄節立冬後採之

歌曰

叢叢吐葉逸澤生夏時花發近春青紅窻更

添將內煮一旬藥內此多靈

赤馬州第十二

俗為地容書為紫蓋性毒出北濟莖葉紫生
甲壬死丁己瘰癧逆應春分節春分後採之
上

歌曰

枝紅葉紫遶山崖此藥真人暗以排冷到爐
中開竈後始知我有玉靈才

萬日榮第十三

俗呼胡波稜書為美萊性善生河北葉青花

紫生甲已死丁士治惡瘡應夏至節白露後
採用

歌曰

稜頭片刀剪刀裁每歲真人自送來欲得紫
房無紫艷拈來共煮石中胎

寒泉鏡第十四

俗為大葉萍書為沁容性涼出雲南葉圓浮
水上生丙丁死甲乙治惡瘡應小滿節立夏
後採上

歌曰

浮生池中葉青碧牙藥內最多靈從此水
銀加日影黃金爭得不聞名

潤章支第十五

俗為周支書為盧容性熱出羅州葉綠枝白
醜生甲丁死戊己治毒風應小滿節立夏後

採用

歌曰

葉青莖醜生乎墳有花開花似覆盆還丹不
得池中過仙人爭得萬年魂

公無取第十六

俗為石藤書為潤春出長安南山上葉如豆
引蔓紫生丁己萎戊壬治惡瘡應大寒節白
露後採上

歌曰

葉叢葉影出長安生在春初色耐寒薄闕採
時防大雨摘時仍慮萬妖看

天鏡寒第十七

俗呼石扇書云背青出河南道每一枝一葉
生戊壬死甲己治冷應立夏節原缺後採上

歌曰

葉如紈扇遶崖生每樹還生一箇莖立墓死
泉無用効絕人斷犬始為靈

道遺引第十八

俗呼紫貝藤書為崖艾性冷出三元縣葉鏡
應白露節冬至後採上

歌曰

抽枝引蔓發金蘭但是真人手把看欲度紫
微天上闕可憐光彩入仙壇

屍解紅第十九

俗呼石被書云地紋性溫出揚州形如水萍
枝莖細生乙癸死酉戌治一切五藏反惡應
小寒節立夏後採上

歌曰

綠崖近石翦成形紫閣蓬萊有兩名獨體丹
陽兼未煮從茲火下絕銅聲

仙節芝第二十

俗呼石卷書云九積性涼出河南形尖細擁
節生戊丁死乙癸治熱悶脚氣應秋分節立
冬後採用

歌曰

天上全無人世有人間不識自凋寒今朝自
開好金訣從此君王記取名

通金臺第二十一

俗呼馬莧書為練微性冷出河陽府葉鏡圓
醜生甲丁死壬己治瘡及惡痛應寒露節立

冬後採用

歌曰

同羅新婦未仙時折得金臺數百枝經得三
周周甲子三年身駕慶雲飛

輕金微第二十二

俗為石支書呼上遠出樂陽治通耳

歌曰

寒葉叢叢遠路遠天上為珍世上稀枯向白
英錫內煮始知此藥最多奇

高天芝第二十三

俗為京人丹書為天莫出洛州治中風

歌曰

紅珠為子樹青紫死仙人別作名還共丹
陽為白色綠微始肯入玄冥

寒瑤池第二十四

俗呼玉池柳書云英芝出江州莖青白葉尖
細治牙疼風疔

歌曰

山庭玉柳本來無更說人間是已踈堪用採
時須少與藥院仙囊莫遺餘

翦成荷第二十五

俗呼山甘菊書云嶺夫樣似甘菊治鬼氣

歌曰

先生白日上昇天還因此藥每宵煎及至採
時須使用不須將過五湖船

同巨舟第二十六

俗為石桑書為景芝出嶺中葉如桑成樹治
一切風

歌曰

形形山豔怯高坡因此承陽出處多將得便
須隨用却莫令天使渡江河

天上玄第二十七

俗為石甘書為地甘出忠萬州葉綠生石上
治反胃病

歌曰

石中有火火藏陰陽氣潛生効比金採日用
須防犬吠犬吠採之用不任

石天琴第二十八

俗呼石可書云還芝葉三色治一切風

歌曰

京州皇郡人人病病者還因地氣衝添放還
丹經宿者從茲百歲絕無風

毛章第二十九

俗為大成書云林芝性冷出河南道形如菱
荷治風瘧

歌曰

此樓彫成花榭節毛龍裏子分枝可憐此
物人間有惆悵人間識是誰

右巳前八味生甲壬死乙癸應冬至節立
春後採用

成萬歲第三十

俗為五靈芝書無名葉紫性冷治鬼氣心邪

歌曰

搖揚錦萼出長安對雪開花入上闌不要春
崇潛茂實大羅天女鎮長餐

粟金寒第三十一

俗呼皺面書為武芝性溫出恒州葉大如手
面皺治風癱

歌曰

葉葉鋪沙遍地生仙人多種遠仙庭但知茂

己庚辛日採之何得不通靈

胡菊花第三十二

俗呼楊柳沈書為蘭心草性溫葉如柳引蔓治女人血氣

歌曰

綠金散翠引金條綠葉零丁遠碧霄三月春時和蔓採可憐采在火中燒

右已前三味生戊己丁死甲乙應大寒節

立冬後採上

天夫金第三十三

俗為胡署蔓書為美谷性熱有毒治蟲蛇毒出美元縣樣如署預

歌曰

厚葉青金愛在谿可憐仙藥俗人迷欲得飛昇天上去只將此藥是雲梯

玉展春第三十四

俗為山斛書為江春性溫出于闔國三葉葉如榆治風

歌曰

每樹生三葉連光葉似榆冬分春節近仙人

把步虛

荆豆蔓第三十五

俗為真豆書無名性溫出劔南三葉葉如豆治血風

歌曰

每葉生仙意含虛得大音三句金櫃裏不用未投深

夜合木第三十六

俗為還心書為松南出商州成樹葉小夜即合治心狂

歌曰

美樹低新葉晨開暮掩枝可憐天上木堪載俗人飛

紫方天第三十七

俗為揚葉書無名性熱出青州葉如楊長數寸有津液治一切風邪

歌曰

小葉傍山開真人手自裁從茲辨真藥目下往天台

王登第三十八

俗為青風書無名有毒一叢數葉出聲美茂治經脈并痔

歌曰

地開玉葉展枝叢獨自抽莖占碧空石藥數般能歷伏唯共陰神最得功

歌曰

紅蓬第三十九 俗呼石劍書無名性熱出甘州一叢數刀治一切風

歌曰

錦石若生雲雨處紅蓬能展劍鋒形消湯煮玉無過此因得仙人別作名

歌曰

胡辛蔓第四十 俗名三葉草書名深真有毒出江州葉三尖治蟲毒

歌曰

枝條條葉葉如刀近夏當秋蔓始高恰到第三三轉後始將方就火中燒

歌曰

紫仙芝第四十一 俗呼天池書無名性熱葉如枇杷葉治心痛

歌曰

搖搖仙菓長山谿堪作蓬萊方丈梯每在人間人不識桃源因此去人迷

石豆蔓第四十二

俗為留君書云單韋性冷毒葉尖引蔓莖紫青治蟲毒

歌曰

黑玉為莖金作芳抽條引蔓散巖崗秦南少女當時用袖承無煙在火鐺

山石蔓第四十三

俗呼真魚書無名性温出文代州華三尖如大豆治逆瘡

歌曰

玉鋪金器寫人間苗在蓬營菜在田應是五心須似雪况富諸物擬昏煙

玉粟草第四十四

俗為行針書無名出河南性冷如還藤有子如糜治風熱

歌曰

調金鋪玉類如珠天上人間樣有殊天上生時生紫翠人間有者綠疎疎

層金第四十五

俗呼小暑藥書無名性温出辰錦州葉如署藥有根治水病

歌曰

埋根金櫃展蓬頭造化真人昔日留五轉轉開須好記煮將為水五金赤地蘇

石蕨第四十六

俗為失葉書云留金性熱出楚地枝次數葉治風冷

歌曰

銅瓶內裏布丹霜霜似煙籠未有光忽更添消重固際可憐顏色過於瑋

荆薺第四十七

俗呼樺木花書無名性温出山南道蔓四稜華尖治血氣

歌曰

叢開尖葉四稜莖光占春分滿野生後輩習真皆用此即知從此得長生

重臺蔓第四十八

俗為人春書云渠迫性熱出江南道小小葉

生大葉引蔓治一切瘡

歌曰

隆隆真氣上昇天恰至春分降野田若遇青鹽相拌合即知生駕出人間

還骨草第四十九

俗呼風英高書云單蒿性熱生劔州一如蒿莖紫葉破治風瘡

歌曰

地地埋處是千還輪轉存亡上碧山但能識此鍋中煮火罷金身出世間

稍紫第五十

俗呼紫貝書無名治癰瘡

歌曰

排蔓抽莖遠碧谿四時改變採人迷直須好記莫令錯萬里蓬萊此是梯

寒石葵第五十一

俗為附蒿書云問芝葉圓似蒿性堅治風

歌曰

山含山色遠山庭無限仙人種在京唯共丹陽陽粉合一朝羨罷絕銅聲

絹文蔓第五十二

俗為蛇慈書呼宜人性熱出蕪州如絹文治反胃

歌曰

排蔓開枝長綠鬆可憐氣力與山齊若能連夜添魚水白骨埋年尚也迴

雞腸蔓第五十三

俗為林更書無名性溫出白州葉如雞腸治一切難產

歌曰

引蔓開枝萬里生抽條得色占春榮從此丹陽無黑色未中須有紫河名

烏金脚第五十四

俗呼太芝書名不祥性熱出江陵府脚如烏釵葉如蕨治腰脚

歌曰

棒金烏脚散寒山學道仙君望眼穿從此既合含元識切須不使別人傳

蛇銜菊第五十五

俗為單芝書云未有性溫出太原葉如蛇銜

花似菊治喉閉

歌曰

前草舍花似綠楊花排金蔓引鬆傍採日切須防孝子犬吠蟻人被鬼傷

還椿第五十六

俗為栝芝書關名性溫出安南狀如椿色紫治邪氣

歌曰

落落金宇履青天紫道人間玄又玄若共還丹從此造即須衰過十宵看

金桃蔓第五十七

俗呼留恐書云單夫性溫出河中府狀如葡萄引蔓

歌曰

刻出青羅展綠微真人不違俗人知玄河河內但能衰未迷金章逸紫衣

地金第五十八

俗為鐵花書無名性熱生湖州葉文如爾大指面治癩癩

歌曰

三三葉映枝紅最向還丹道有功但向未中二更衰任拈直用火牆籠

稍紅第五十九

俗為穿崖布書云紫天天亦名武容朱芝性涼生于闌國一枝一葉葉背紫枝

歌曰

界外遠林泉必向經鑄煎三度衰八石如何體不堅

後採

狗舌蔓第六十

俗為魚藻書無名性寒出陳許州引蔓如狗舌治蛇毒

歌曰

狗舌還如狗舌形俗客真人守兩名不是人間無此草渡江見孝用無靈

玉壘第六十一

俗為番頭書無名性涼生歧雍花如蓋幢花稍紫治霍亂

歌曰

花如蘇幟葉如緋山北河南各兩儀欲採之時須固惜內園莫使外人知

玉除第六十二

俗呼閨芝書名允性冷出濟南並微葉小色黃治熱痢

歌曰

秦王得地擬求仙恰到岐陽岐上山向遇洞真親指點交共磐石一處煎

紅甘第六十三

俗無名書云單齒性溫出河西道葉如柑色赤石上生治浮腫

歌曰

引雲首月生崖上鏤出王公入羽衣若見鳳凰他自舞不須管客把笙吹

粟金第六十四

俗無名書為單舟性涼出綿遂州抽莖葉尖圓治一切血氣

歌曰

堂堂仙藥在人間恰見凡人似等閑若共金沙和夜黃即知長在比龜年

紫石莖第六十五

俗呼云紫書為紫蓋性熱出通州如莖三道治骨癰

歌曰

通芝三背影臙臙丹藥藥中最有奇不等能添金色潤又能一夜煮黃銅

浮真草第六十六

俗呼交綿書云大羅性溫出鄆州如豌豆以花葉治血暈

歌曰

陽陽紅影遠人途人間雖有世間無若遺衛真天女見必應摘滿滿梧桐

土荈第六十七

俗為江中草書云華女蔓性溫引蔓有子治腸結

歌曰

綠楊幽院家家有恰取玄河用者稀從此內園須剩種用方美使外人知

石青第六十八

俗為帶青書云關梁性熱出單州引蔓葉尖

治氣結

歌曰

碧陽天子獻金丹須茲神水合和餐若向青錫鍋內著可憐雪散及人看

窈冥第六十九

俗呼石衣亦云魚衣書云太周性熱出江陵府如石衣治冷氣

歌曰

窈窈冥冥石上生人間雖有不知名大藥之中安少許即知是下慶雲迎

右已前十味生甲丁死戊已應立秋節立夏二十日採上

還年第七十

俗為木相珠書云含紫性溫出崑崙葉如榆上有珠治風

歌曰

天長地久水洋洋靈草含珠色自芳從此月濱濱海上又堪煮鍊作瓊漿

歷章第七十一

俗呼南天書無名性溫出鳳翔府四稜花紫

葉夫小治一切惡冷疾

歌曰

紅草寺裏生春草不似春終見歷章若向白
天鍋內合即知九雪散精光

紫金茅第七十二

俗呼齊高書無名性冷出劔南葉紫青葉尖
長治心痛

歌曰

青青新婦獨行行勿過金華遠院生因折將
來煮金地無煙從此始知名

紫海椿第七十三

俗為交周書無名性熱出江州葉如椿色紫
成樹治中風

歌曰

同同金攬影春山無限真人手把看一種自
糜開樣度不如此箇起金丹

金微第七十四

俗為重金書無名性温出劔南逸石生葉如
雷葱有子根治小兒疳

歌曰

離陽新婦愛芝魚獨寄仙翁萬紙書因識金
微煮寒石河車身駕入青虛

紫麥大夫第七十五

俗呼細周一名石麥書無名出河北道色紫
治心痛

歌曰

花周萬里對秦川萬里雖生不肯言若共三
河同更煮生身應踏九霄天

石芥第七十六

俗為地花書為南草性温出京中葉如南芥
菜治小兒驚

歌曰

紫微天女不裁衣會要人間石芥枝忌向白
章鍋裏煮便將砂毒水銀飛

山稜第七十七

俗為澗下芝書云莫上芝性冷出益州葉如
波稜煎成治風

歌曰

丁丁伐木聲從鳥森森江波草自靈唯有山
稜宜好採八般石藥自然成

尖尾葵第七十八

俗呼為風草書無名性寒出恒定州一葉三
尖治一切惡瘡

歌曰

渭州河北使生此生處人多冷曝之五鹽其
煮為鄴鄂如何不得命長時

王騎第七十九

俗為綠天書云無慶性温出江南道葉如車
前並文治毒瘡

歌曰

都都太府青丹藥要此靈媒作主人從此和
漿方服了眼前親見萬年春

夫苟蔓第八十

俗呼大對生劔南葉如苟引蔓治惡瘡

歌曰

人生不識金丹意尖苟須為玉藥泥不說硫
黃添白色亦能瓶內伏雌砒

成天命第八十一

俗呼有命書無名性冷出忠萬州治熱病餘
不言

歌曰

玉陽宮女煮天漿要得成天命始香須與水
銀開還路兼為青丹作院牆

朝天草第八十二

俗為鬼尿筒書無名性冷出同華州心空有

節長治惡瘡

歌曰

遙遙天影入端虛同華生時市地鋪看取紫
河車內草無此黃金事不居

輔輝質第八十三

俗呼九宗丹亦云景天書無名性冷出漁陽

縣葉如車前引蔓根長治熱疾

歌曰

團團葍葉出蘭枝唯有漁陽出得時三殿西
理十月用然堪入藥和精微

金鎖天第八十四

俗為灰蘘書云落藜性温出巴南葉方小赤
治上氣

歌曰

金天刺進道成灰須共黃牙拌作泥從此水

銀須壓伏只此還丹路是梯

還解事第八十五

俗云天母書無名性温出美原縣引蔓三葉

治血暈

歌曰

千尋山石上過川萬古人傳出美原六戊錫
中經宿叢八般頑石自無煙

同陽支第八十六

俗呼馬齒菜書無名性冷葉圓味滑治腸熱

出單方州

歌曰

茸茸引蔓滿單方能共還丹作郡鄉水銀不
敢當頭坐護趨朱砂迷在鑄

同陽慶第八十七

俗為人莧書為結針性冷出番中葉尖治疔

疾

歌曰

調神理魄發銀光石藥靈囊作一方今日玉
塔依表進亦能壓伏四神霜

同巨天第八十八

俗為紅鹽花亦為慶節蒲書無名性温出益
州葉尖狹花如茨治血氣

歌曰

同巨宮中同巨天燒成灰爐煮寒泉陽壬不
得此及過陰於終須飛作煙

芙花舟第八十九

俗呼未囊書無名性涼出熱南葉青青花舍

子治惡熱悶

歌曰

青天萬里入幽無唯有花舟接道隅雖共根
苗和藥煮一般沉石自然浮

右已前二十味生戊壬死丁已應立夏節

立秋前四十日採用

同變春第九十

俗呼毘菴葵書為紫塔出西天葉圓成角花

紫治油瘡

歌曰

巖巖孤上占崖栽每在人間院內開恰至還
丹能計會硫黃爭得不當灰

狐孫藤第九十一

俗為地錢書無名性熱出最南引蔓葉失枝有聲治惡瘡

歌曰

遙遙引蔓遠天津長至南風不至春三月進來朝帝意欲使生身躡碧鱗

石渠第九十二

俗呼下魚菜書無名性涼出開通州葉如竹

花黃治小兒疳

歌曰

碧花洞裏展江魚萬藥之中最是模瘰得紫

丹黃色潤兼洗青丹色脫朱

右已煎三味生戊丁死甲乙應立冬節後

二十日採上

魚腸蔓第九十三

俗為靈花書為茨梨性溫出宣州河北葉如

馬莧有茨治惡瘡

歌曰

人間有藥是魚腸解與還丹好作方三鼎煙

中開瑞色九霄宮裏鎮靈香

山菊第九十四

俗為真浮人書無名性冷出眉南縣葉如茶花似菊治酒病心忪

歌曰

花如黃菊葉如茶俗人不識出仙家能與青丹出顏色兼將紅粉作黃牙

單真第九十五

俗為薺蕒言無名出河南府性熱葉如薺近水生治蛇咬

水生治蛇咬

歌曰

天真天地本由人自是凡夫不識真從此八

靈甘受死凡人自此免為塵

金鏡策第九十六

俗為人芝書無名出安南府如薺菜有毛治

蟲蛇毒

歌曰

石中石上總秋生葉上生毛紅點莖三接外

幾數般樣樣中最好是東京

青枝第九十七

俗為苦唐木書無名出西龍州性冷成樹有

枝條治脚氣

歌曰

成木生條長萬山西王親種在人間善使青

紫樓春第九十八

俗為白馬菜書無名又為留著菜葉紫青失

出江州

歌曰

堂堂開色紫樓春獨占人間白背鱗還丹藥

就須添煮青膏得上九天真

輔天台第九十九

俗為背鱗木書無名性溫成樹帶子出終南

山治反胃

歌曰

籠籠成樹長南山萬木之中此最賢天藥燒

時須剝熟應得生身白骨全

勁金骨第一百

俗為鯨魚沼書名天文芋性溫如芋有果治

漏胎

歌曰

疎疎引葉恰如茅每歲真人玉水澆能與還

丹生羽翼凡人身與入青膏

木瓜第一百

俗為天同果

歌曰

搖搖天樹長巴南帶日花繁每日含大藥合

時須剝裂經秋採摘始宜堪

零零草第一百

俗為無青書無名性冷出巴州一叢三兩葉

含露治疫病

歌曰

一叢花帶葉零零人間知好不知名看取藥

成金色美取之符呪鬼神驚

右已前十味生戊子死甲巳應立秋節夏

至後立冬前後採之

蓬萊山西竈還丹歌卷上

蓬萊山西竈還丹歌卷下

斯六

漢檢校僕射金紫光祿大夫黃玄鍾撰

黃帝春第一百

俗為芙蓉水書無名性冷花紫黃不定遠水

生治毒風

歌曰

棟宇雖生梁柱功還丹道要水芙蓉若說西

王生最好南山採得用通同

山濁第一百

俗為水濁書無名每枝三葉如萌種治風血

歌曰

玉樓閉鏡影三山此草生時不等閑若不高

峰峰石上即須長養在崖泉

畢錄秋第一百

俗為白茂樹書無名成樹葉如柳出嶺外道

治一切惡瘡

歌曰

天長月在碧霄懸月在千山萬藥前採合藥

時須記取括共黃牙一處煎

浮林池第一百

俗為地皺書無名葉如柳面皺性熱治冷風

歌曰

玉塘水冷冷天心此藥將堪價比金能共硫

黃相把捉就中最好是鉛壬

鶴來枝第一百

俗為女貞書無名宜治霍亂

歌曰

平平天地自侵臨不到龍門是海深仙藥人

間成樹木人間不識自理沉

山紫蘇第一百

俗為界州菜書無名出歙州宣州莖紫葉如

真紫蘇性冷

歌曰

玉潭深底見深波好藥人間核似羅唯共丹

陽除黑色染成如雪中磨

調神芝第一百

俗呼為還骨書無名出忠萬州如句樹宜治

癆及狂癲

歌曰

人間自有草還丹拋向人間不肯餐任是生